



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-580-5/22**
Datum: **08.12.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „BRAĆA MUJIĆ export-import“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda iz poslovno-proizvodnog objekta za proizvodnju metalnih konstrukcija, izgrađene u ulici Rakovačka cesta do br. 124, općina Ilidža, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „BRAĆA MUJIĆ export-import“ d.o.o. Sarajevo, daje se vodna dozvola za ispuštanje tehnoloških otpadnih voda iz poslovno-proizvodnog objekta za proizvodnju metalnih konstrukcija, izgrađene u ulici Rakovačka cesta do br. 124, općina Ilidža na zemljištu označenom kao k.č. broj: 604/2 K.O. Hadžići (z.k. stanje) što odgovara k.č. br. 466/5 K.O. Blažuj (katastarsko stanje).
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu pod slijedećim uslovima:
 - 3.1. Da pravno lice „BRAĆA MUJIĆ export-import“ d.o.o. Sarajevo, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog objekta, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa Prilogom 28. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda-tehnoloških otpadnih voda i oborinskih onečišćenih voda, uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.4. Ukoliko Vlada propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.5. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.6. Da se kod pranja koriste sredstva koja su prikladna okolinskim zahtjevima.
 - 3.7. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu

- (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za konačno zbrinjavanje istog potpiše ugovor sa ovlaštenom firmom za tu vrstu djelatnosti. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.11. Da se sa opasnim i štetnim materijama koje mogu dospjeti u vodu sa predmetne lokacije, postupi savjesno pri skladištenju, transportu i pretovaru kako ne bi došlo do štetnih posljedica usljed prosipanja istih.
 - 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
 10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „BRAĆA MUJIĆ export-import“ d.o.o. Sarajevo, zahtjevom 21.10.2022 godine, zaprimljenim dana 25.10.2022 godine, se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz poslovno-proizvodnog objekta za proizvodnju metalnih konstrukcija, izgrađene u ulici izgrađene u ulici Rakovačka cesta do br. 124, općina Ilidža na zemljištu označenom kao k.č. broj: 604/2 K.O. Hadžići (z.k. stanje) što odgovara k.č. br. 466/5 K.O. Blažuj (katastarsko stanje).

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o upisu u sudski registar broj: 065-0-Reg-22-002329 od 16.06.2022. godine, izdatog od strane Općinskog suda u Sarajevu- kopija,

- Uvjerjenje o poreznoj registraciji izdato 27.11.2002.godine, od strane Porezne uprave – Kantonalni ured Sarajevo-kopija,
 - Uvjerjenje o poreznoj registraciji izdato 19.12.2012.godine, od strane Porezne uprave – Kantonalni ured Sarajevo-kopija,
 - Kopija urbanističke saglasnosti broj: 03-23-1431/15 M od 31.03.2015. godine izdata od strane Službe za prostorno uređenje, Općina Ilidža
 - Kopija građevinske dozvole broj: 03-23-3609/15 M od 07.10.2015. godine izdata od strane Službe za prostorno uređenje, Općina Ilidža,
 - Kopija upotrebne dozvole broj: 03-23-5991/15 M od 30.03.2017. godine izdata od strane Službe za prostorno uređenje, Općina Ilidža,
 - Rješenje o vodnoj dozvoli broj: UP-I/25-3-40-611-3/17 od 14.11.2017 godine izdato od strane Agencije za vodno područje rijeke Save, Sarajevo,
 - Kopija uplatnice administrativne takse,
 - Obavijest o okolinskoj dozvoli broj: 05-23-6389/15 od 22.03.2016 godine od strane Ministarstva prostornog uređenja i zaštite okolice Kantona Sarajevo,
 - Račun broj: USL-415/22 za uslugu čišćenja separatora od strane „AIDA COMMERCE“ d.o.o. Sarajevo od 19.09.2022 godine.
 - Izvještaji o ispitivanju kvaliteta otpadnih voda sa lokacije poslovno-proizvodnog objekta za proizvodnju metalnih konstrukcija, izgrađene u ulici Rakovačka cesta do br. 124, općina Ilidža urađeni od strane „ZAGREBINSPEKT“ d.o.o. Mostar, oktobar 2021 i 2022 godina,
 - Ugovor o pružanju usluga čišćenja separatora zaključen sa pravnim licem „AIDA-COMMERCE“ d.o.o. Sarajevo dana 27.10.2022 godine
- B. Tehnička dokumentacija
- Glavni projekat-hidroinstalacije objekta i vanjske hidroinstalacije poslovno-proizvodnog objekta pravnog lica „BRAĆA MUJIĆ export-import“ d.o.o. Sarajevo, urađen od strane „AGH“ d.o.o. Sarajevo, decembar 2016 godine (uvid prilikom uviđaja).

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 01.11.2022. konstatovano je da je podnosilac zahtjeva uredan obveznik plaćanja posebnih vodnih naknada.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-580-4/22 od 07.12.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Poslovno-proizvodni objekat za proizvodnju metalnih konstrukcija, izgrađen je u ulici izgrađene u ulici Rakovačka cesta do br. 124, općina Ilidža na zemljištu označenom kao k.č. broj: 604/2 K.O. Hadžići.

U krugu predmetnog kompleksa nalaze se administrativne prostorije sa sanitarnim čvorom, dva proizvodna pogona, magacin, skladište gotovih proizvoda, skladište, separator masti i ulja, manipulativni i saobraćajne površine.

Osnovnu djelatnost proizvodnog objekta čine dva proizvodna programa i to: proizvodnja šasija za CNC mašine i proizvodnja metalnih konstrukcija za građevinu.

Proizvodni proces obuvata postupke: lasersko rezanje limova, savijanje na roto presama i rolo mašinama, zavarivanje, odmašćivanje, elektrostatsko farbanje i montaža.

U proizvodnim pogonima podne površine su vodonepropusne. U jednom od navedenih pogona nema ispusta dok u drugom na podnim površinama su ugrađeni slivnici kojima se prikupljaju tehnološke otpadne vode (voda od pranja podova i eventualno prosute agresivne tečnosti).

Ove otpadne vode se odgovarajućim cjevovodima odvođe i spajaju na oborinsku kanalizaciju a potom zajedno odvođe u separator masti i ulja. Prečišćena otpadna voda se preko okna za monitoring ispušta u lokalni potok.

Farbanje se vrši elektrostatskim postupkom (nanošenje praškaste farbe) gdje se višak farbe filterima izvlači i skuplja a potom ponovo koristi u proizvodnji.

Izvještaji o ispitivanju kvaliteta otpadnih voda sa lokacije pogona poslovno-proizvodnog objekta za proizvodnju metalnih konstrukcija, izgrađene u ulici izgrađene u ulici Rakovačka cesta do br. 124, općina Ilidža, za mjesec oktobar 2021 i 2022. godine, urađen od strane „ZAGREBINSPEKT“ d.o.o. Mostar, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, uvida u stanje proizvodnih objekata i ukupnog sagledavanja problematike kvaliteta otpadnih voda u kompleksu za za privremeno skladištenje i zbrinjavanje opasnog otpada, tretiranje infektivnog (medicinskog) otpada i bioremedijacija zemljišta sa pratećim sadržajima, izgrađene u naselju Puračić, općina Lukavac, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „BRAĆA MUJIĆ export-import“ d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „BRAĆA MUJIĆ export-import“ d.o.o. Sarajevo, Dženala Bijedića 212, Ilidža (Prilog-tehnička dokumentacija pod tačkom B obrazloženja ovog Rješenja)
- AVP Sava, ISV-vodna knjiga
- Org.jed. 50
- ⊙ Org.jed. 40-arhiva
- Oglasna tabla AVP Sava Sarajevo